

國際扶輪 3461 地區大甲中央扶輪社第廿三屆臺語朗讀比賽實施計劃

- 一、宗旨：為配合學校之母語教育，提昇學生臺語表達能力及推廣母語文化，特舉辦本項活動。
- 二、指導單位：臺中市政府教育局
- 三、主辦單位：大甲中央扶輪社
- 四、協辦單位：大甲扶輪社、苑裡扶輪社、大甲北區扶輪社、大甲百齡扶輪社
- 五、比賽時間：民國 112 年 12 月 3 日〈星期日〉上午 8：00
- 六、比賽地點：大甲中正紀念館（臺中市大甲區水源路 190 號 04-26863294）
- 七、參賽資格：就讀於大甲、外埔、大安、后里四區內之國小學生，並經學校推薦者。
- 八、比賽分組：中年級組：國小 3~4 年級；高年級組：國小 5~6 年級。以指定內容朗讀方式進行，朗讀內容如附件。
- 九、報名辦法：請掃描下方 QR Code 線上報名，報名總人數 40 名。
- 十、報名日期：即日起至 112 年 11 月 21 日 23 時 59 分止（或人數額滿即截止）
- 十一、朗讀內容：中年級組由以下三個篇目中於比賽當天報到時當場親手抽定競賽篇目
 - 1.巧豬
 - 2.愛綴路的
 - 3.烏豆乾高年級組由以下四個篇目中於比賽當天報到時當場親手抽定競賽篇目
 - 1.學寫大字
 - 2.磅麥仔芳
 - 3.無尾巷
 - 4.好吃好耍的四秀仔
- 十二、比賽時限：每人限時 3 分鐘。
- 十三、評分標準：1.語音〈發音/聲調〉40% 2.聲情〈語調/語氣〉40% 3.儀態 20%
- 十四、比賽時程：112 年 12 月 3 日
 - 08：00~08：30 報到及抽籤
 - 08：30~08：50 開幕式/講解比賽細則
 - 08：50~12：00 比賽/講評/頒獎
- 十五、獎勵辦法：第一名：每組取一名 獎金：新臺幣參仟元，獎牌乙面，教育局獎狀乙紙
第二名：每組取一名 獎金：新臺幣貳仟元，獎牌乙面，教育局獎狀乙紙
第三名：每組取一名 獎金：新臺幣壹仟元，獎牌乙面，教育局獎狀乙紙
優良獎：每組若干名 獎金：新臺幣伍佰元，扶輪社獎狀乙紙，教育局獎狀乙紙
參加獎：紀念品乙份 ※凡參賽之選手，皆有參加獎狀乙紙
指導老師：指導費新臺幣壹仟元(比賽當天全程陪同者)，教育局獎狀乙紙
- 十六、頒獎：前三名將於 112 年 12 月 16 日大甲中央扶輪社 32 週年社慶典禮頒獎。
- 十七、附則：
 - (1) 第一名將於頒獎後做即席的表演。
 - (2) 本比賽所謂「臺語」是專指“臺灣河洛話”，其他語言歉不受理。
 - (3) 參賽者及指導老師午餐由大會提供便當。
 - (4) 往返交通請各校自行處理。
 - (5) 比賽中若發生突發情事，得由社長召集相關人員處理之。

大甲中央扶輪社臺語朗讀比賽



請掃碼進入報名頁面

01 學寫大字

尤靜怡

自細漢我就興寫字，厝內神桌頂頭的檫仔是用毛筆字寫的，雖然我猶未讀冊進前看攏無，毋過我嘛看甲真趣味。不時會共彼寡字看過一遍閣一遍，干焦看著字形就感覺足嬌的。有時陣我會問阿母遐的字欲按怎讀，因為寫的是詩詞，我定定攏記袂十全，問過阿母真濟遍了後，總算記起來矣。

國小欲升三年仔的彼个歇熱，阿母恁我去冊店買毛筆、墨盤、墨條、毛筆紙佻一本字帖。我興頭足懸的，到厝了後緊叫阿母共我教。阿母講：「寫字進前愛先共淡薄仔水倒踎墨盤頂面，指頭仔共墨條捻予好，用墨條勻勻仔磨，親像咧輕輕仔畫細細輓的圓箍仔全款，袂使傷大力。」阿母千交代萬交代，叫我毋通共墨汁油出來，創甲四界烏赳赳。我咧磨的時，攏毋敢喘大氣，沓沓仔磨出烏烏的色緻。

總算是磨好勢矣，無，閣磨落去恐驚我就咧欲無氣矣。阿母隨開始教我用毛筆，新的毛筆欲用進前愛先開筆，愛用清水共筆毛浸予開開，閣用衛生紙共筆毛軟予焦，才會當搵墨汁。搵墨汁的動作著愛對筆尖開始搵，予墨汁一絲仔、一絲仔軟到筆頭，嘛愛那搵那共筆毛整理甲圓圓閣尖尖，實在有夠費氣啦！我的耐心早就綴墨條磨磨掉矣，我的性地強欲夯起來，無想欲寫矣！好佳哉，就佇這個時陣，阿母牽我的手，教我愛按怎擗筆。阿母先寫一遍予我看，閣共我講：「萬

事起頭難，咱先來學寫上重要的筆劃——點。」一个點著愛三个動作才寫會完全，真正毋是一件簡單的代誌。我問阿母：「哪會著遮費氣咧！清彩點點咧嘛是點啊，毋是攏全款？」「全款都無全師父啦！每一个筆劃攏是對點開始粒積的，逐个筆劃鬥起來才成做一字，假使講你對點就烏白亂寫，哪有可能共字寫予好咧？」

這改的經驗予我學著做代誌自開始就愛足頂真，寫大字閣會使學著做代誌的道理，真正是「一兼二顧，摸蜎仔兼洗褲。」多謝阿母教我寫大字，到這馬我嘛是誠愛寫，有時閣會著等呢！

02 磅麥仔芳

黃美銀

進前見若拄著拜一早起欲去學校，攞會足勢拖沙，就愛等到時間倚倚倚才會甘願出門。毋過，彼工的禮拜一，我透早就攞好咧等阿母。伊閣講：「敢是今仔日天欲落紅雨？啊無，哪會遮反常。」

連普通時仔上感的搨掃鐘仔聲，聽著嘛敢若袂蓋歹聽。塗跂猶原是落遐爾濟的葉仔咧等阮來掃，講嘛奇怪，逐家今仔日的效率特別懸，真緊就掃甲清清氣氣。

無佻久，就看著一台發財仔車，對遠遠的所在，駛過去停佇學校運動埕邊仔彼穰苦棟仔樹跂，我的心嘛綴咧飛過去矣。因為車頂載的家私會當變出阮欲食的磅麥仔芳。欲提來磅的麥仔，攞是阮學校的老師和學生因仔親手種的。

會記得欲掖種的時，阿公驚阮共掖的種子踏踏死，愛阮學 in 那行那掖，感覺真好耍。收成的時，阮有學「拾穗¹」彼幅名畫，綴佇割麥仔機後面，向咧拈麥仔穗。會按呢做，除了欲體會彼種感覺，嘛向望另工若是咧畫圖的時，會當畫了較有感情。雖然阮毋是拈拾，毋過老師會提拈起來的麥仔穗，教阮做一寡仔嬈嬈閣有意義的物件，嘛算是一兼二顧。

麥仔總算是收成矣，阮學校種的這三坵，是遮附近上慢收成的，足濟厝鳥仔因為無當討食，攞飛對遮來捅。無論是學尪仔冊內面做稻草人，抑是掛光碟片反光欲共嚇驚，攞無蓋有效。蹠學校邊的阿公看毋是勢，驚阮猶未收成，麥仔就攞飼鳥仔去矣，趁歇暍日阮無上課，專工去買炮仔共 in 嚇驚。收成了後的麥仔，曝佇籃球場邊仔，老師有教阮按怎用耙拂來反麥仔。日頭猛，耙拂重，彼時才真正體會著「一粒米，百粒汗」的道理。

看著欲磅的麥仔佇桶仔內滾絞，聽著頭家歎聲仔的聲，就知影欲磅矣，逐家緊共耳空掩起來。一下磅好勢，麥芽膏攪攪咧，研平切做一塊一塊，阮就排隊去頭前，一人一塊提來食。

一喙一喙沓沓仔哺，彼種食佇喙內小可仔甜甜閣淡薄仔鹹鹹的芳味，我永遠會記得。除了喙內，就連心肝頭嘛是彼款甜甜的滋味。

112 年大甲中央扶輪社-閩南語朗讀文章(國小高年級組)

¹ 拾穗(sip-suī)

03 無尾巷

周世雄

猶會記得細漢的時，阮兜是跔佇一條無尾巷的上邊仔間。無尾巷的雙引攏是干焦兩樓懸的透天厝，因為是無尾巷，所以除了倚家的車出入以外，誠少有外來的車駛入來。而且佇彼个時代，大部份攏是 oo-tóo-bái 佻跔踏車，所以規條巷仔攏嘛是阮這陣囡仔的天下。

每一擺放學轉來到厝的時，阮這陣規身軀臭汗酸的囡仔部隊攏是趁日頭猶未落山，趕緊共彼時家家戶戶攏愛有的合桌佻童軍椅搬來門跔口的路邊，準備開始寫功課。低年級的囡仔若是拄著袂曉寫的注音符號，閣知影通參考印佇桌仔面頂的『勺勺門』；中年級的若看著貧情想的計算題，嘛會使光明正大看全款印佇桌面頂的九九乘法表，這塊聰明的合桌真正是阮彼个囡仔時代無法度放袂記得的 má-tsih；高年級的囡仔兄、囡仔姊的功課有較困難，In 有時陣會互相討論。較貧情學的，就會用糖仔餅抑是尪仔標來交換答案。彼時規條巷仔排甲齊齊齊的桌仔，大粒頭、細粒頭，有的轉正引，有的幹倒引，有的覆低低，有的擗懸懸，遠遠看過去若親像加工區的生產線，逐家攏趕緊咧趁天色猶未暗，拍拚完成家己的作業。

若是功課寫了矣，逐家就開始那摸橐袋仔內底的銀角仔，那對巷仔口的籤仔店衝去。籤仔店的頭家娘逐家攏叫伊「錢

嫂仔」。見擺看著阮這陣囡仔疋曠佇狹穢穢的店內，聽著 khin-khin-khiang-khiang 的銀角仔聲，伊攏喙笑目笑問阮欲買啥物？每一个囡仔目調嘛褌甲大大蕊，看著店內誠濟款的四秀仔，閣有彼時上時行的抽鬮仔兼對獎品，大部份的囡仔攏會躊躇一下才決定欲買的物件，有時嘛會交換分享家己手內的糖仔餅佻迥迥物仔。

若是時間欲倚六點的時陣，規陣囡仔就若親像有經過訓練的部隊，逐家攏用走百米的速度從轉去家己的厝，準備食飯配電視。這陣規條巷仔就不時放送出 bàng-gà 主題曲的音樂聲，定定嘛會使鼻著無仝口灶阿母手路菜的芳味。尤其是巷仔口彼支路燈著的時，若親像咧為這條充滿幸福的無尾巷點一葩圓滿的燈火。

04 好食好耍的四秀仔

張逸嫻²

百百款的四秀仔會啞人的目矦，嘛會予人喙瀾流無歇，毋過一人興一項，無人興相仝。啊若生理人用心計較，變遮的十花五色的喙食物仔內底，你上興的是佗一款咧？

細漢的時陣，阿母講四秀仔攏是糞埤食品占較大頭，會礙著三頓的食食，毋但予喙齒蛀空，閣會藏真濟有毒的化學物等等的欠點，致使阮兜真少買四秀仔，嘛真罕得食。

聽候我來學校讀冊了後，有一擺參加歇熱的營隊，佇上尾彼節課，老師送阮一人一條曼陀珠，收著這份意外的禮物，所有的學員攏暢甲袂顧得。

轉到厝我袂赴閣等落去，緊猛共外口的包裝紙裂開，擘一粒若親像真珠的糖仔囷入去喙內。頭起先我有啖著伊甜甜脆脆的外皮，輕輕仔咬落去殼隨必開，連哺幾若下了後，軟軟飭飭的餡，有一陣一陣酸 bui 仔酸 bui 的芳味直透對舌尾衝入來頭殼內底。彼種會了袂盡的爽快是我出世到今毋捌拄過的，真正毋是佇遮三兩句話就講會清的代誌。

自按呢，見若阿爸欲去採買的時，我攏會姑情伊，共我買曼陀珠。規條的曼陀珠有誠濟粒，芳氣嘛攏無相仝，逐種口味攏有兩粒。伊扁扁略仔圓身的外形，粉粉幼幼的色緻，

看起來就親像會變奇術的真珠仝款，三魂七魄攏予伊啞啞去，繼落去指頭仔就去拈，喙擘開隨共窰入去。阿爸就共我點醒講：「食少有滋味，食濟無趣味，毋通食傷濟喔！」較輸逐擺都痺响袂忍得嗽，無一睏仔久就規條掉了了矣。論真講，毋是我傷枵饑，是喙空食食叫，毋放我煞的緣故！

我想講食好鬥相報，佇學校共同學展覽講這項好食物，同學煞顛倒教我曼陀珠會當做噴水泉呢！心內實在真好玄，就招阿爸同齊來試看覓。阮上網照網路教的步數憑頭來，上落尾才共曼陀珠擲入去。哇！真正毋是咧歎雞胗呢！雖罔進前就知影水會噴真懸，見真猶是掣一趟，對頭到尾有影好耍甲會反過呢！

真數想逐工攏有曼陀珠通食，毋過若真正按呢，我凡勢真緊就會無喙齒。聖罔聖，爸母的話嘛是愛聽，若無，時到「貪食無補所，無喙齒就艱苦。」

112 年大甲中央扶輪社-閩南語朗讀文章(國小高年級組)

² 張逸嫻(Tiunn Iát-hân)

01 巧豬

沈瑩玲

阮是可愛的阿豬，生做古錐閣聰明，顧厝是我的穡頭，司奶是我上勢的本等。講到遮，相信逐家攏知影我是啥人矣。雖然我叫阿豬，毋過我毋是豬，因為細漢四界流浪，後來予管理員拈來做公豬予逐家飼，所以我號做阿豬。我有牧羊犬的巧氣、土狗仔扭掠的跤手和規身軀軟軟的毛草，真正是人看人恰意，無共我摸攏會暍袂去！

社區內有一个共我惜命命的阿伯，逐工透早七點攏會佢我佇地下室約會。享受腥臊的早頓了後，我就送伊去上班。有一擺，伊共朋友對美國提轉來欲送我的四秀仔揀予我食。我一下鼻，哎喲！烘甲有砵砵的豬耳仔，是欲叫我這個老歲仔的牙槽齧予歪去喔！我毋食，伊就一直揀予我，揀甲實在是袂忍得矣，我頭越咧就走。想袂到阿伯氣甲罵我是好命狗、毋知好歹，就氣掣掣去上班矣！

自按呢我就去樓頂門顧厝、佢逐家跋感情，嘛袂應去食彼塊四秀仔。阿伯轉來看一下氣甲！這聲真正代誌大條矣，雖然公寓來來去去的人真濟，毋過真心疼惜我的人無幾個。阿伯若毋插我，從今以後我腥臊的早頓就烏有去矣！翻轉工，我早早就去等候阿伯。看著伊，我尾溜搖咧趕緊走去共司奶。毋過伊煞車駛咧做伊走，害我規工鬱卒佇心內。

隔轉工，阿姆佢阿伯做伙落來，我的尾溜是搖甲強欲落去。阿伯猶是毋插我，阿姆就跔落來提彼塊豬耳仔講：「哎喲！這烘甲有砵砵是欲叫伊按怎食啦！」我聽一下心花開，總算有人了解我的心聲矣。阿伯就番講：「是按怎人美國狗有才調食，你這隻老狗就是毋願共我鼻芳一下？」車門關咧就做伊出門矣，害我心肝穎仔嚟一下，就閣跋落去無底深坑。了後我起感心，共豬耳仔咬起來齧看覓。想袂到伊沐著溼氣已經變較軟略矣，我就開始啞啞仔哺，真正是愈哺愈芳，愈哺愈繼喙。阿姆看了真歡喜，就敲手機仔予阿伯。阿伯講：「算伊巧，目調有漿泔，知影好落軟，若無，我就欲共伊放生矣。真正有巧，飼伊無了，哈哈……。」

02 愛綴路的

王秀容

「啥人欲綴喔？」阿公準備欲出門囉。伊刁工喝欲予我聽的，因為兄姊攏大漢無欲綴矣，毋過我閣足愛綴呢！定定佇門口耍甲一半，影著阿公欲出去，就隨喝講：「我欲佢阮阿公來去矣，後擺才耍。」因仔伴攏嘛隨應講：「愛綴路的。」

有通食、有通耍，我毋才會想欲綴。佇「生食都無夠，哪有通曝乾」的因仔時代，若會當啖著四秀仔，袂輸猴山仔食著弓蕉咧，樂暢的感覺，到今想著猶閣會偷笑。

是食啥物好料的咧？上豐沛的就是去食一碗五箍銀的搵仔麵。彼塊園佇中央的肉柿仔，攏留甲規碗囫了，才用湯匙仔共撈入去喙裡含咧，毋甘隨嘍嘍吞吞落去。阿公擲錢咧納數的時，我綴佇伊尻川後，全心全意咧軟彼塊肉的汁，足甜的呢！莫怪到這馬，去到佢都愛食搵仔麵，連去飯店食包肥的『buffet』，嘛會先來一碗。人攏笑我無彩錢，黠我講「哪閣有法度通食別項咧？」In 毋捌啦！搵仔麵食落去，心情好，脾土開，顛倒食較濟！

我嘛誠愛綴阿公去漢藥店。定定有人來厝裡揣阿公討藥單，隔轉工伊就會去啟藥仔。遐會當看著足特別的物件，像龜啦、鱉啦、海馬啦，閣藥頭仔逐款攏有名，我坐佇邊仔一下仔看動物，一下仔看植物，一下仔認藥格仔頂的字，袂輸咧覽博物館咧，足趣味的。頭家驚我等久會囉，逐擺阮尻川

才頓好，伊隨捎兩包宋陳予我室喙空。酸微仔酸微，我會共合佇喙裡閣用舌共輾來輾去，袂輸擱煙腸的珠仔台，足好耍呢！In 若講傷久，頭家閣會補我兩包，我攏儉轉去分兄姊食。

我上愛綴阿公坐市區的去辦代誌，因為車牌仔遐拄好有一間籤仔店，阿公會買一包牛奶糖仔予我。我共當做寶貝仝款袋佇橐袋仔，閣定定去摸看有落去無。一包十二粒，坐去閣坐轉來，我攏算好好，食甲賸六粒，轉去拄好兄姊一人食兩粒。

逐擺，我提出來分 in 食，免品，嘛足奢颺。In 食甲足歡喜，毋過會笑笑窮分講，In 古早綴有著，煞無通食，講我這個愛綴路的有影較好命！

03 烏豆乾

王朝源

市面咧賣的抑是家己做的喙食物仔有萬百款，做法無論是糲的、烘的抑是豉的；氣味毋管是甜的、鹹的、酸的、簽的攏總有。有人興燒酒，有人興豆腐；有人愛釣魚，有人愛行棋。逐个人恰意的喙食物仔攏無相全，啊若我上恰意的，就是大溪的烏豆乾。特別是形狀大大塊，四里角角厚 tut-tut，表面色水烏趁趁彼款我上恰意。這款豆乾外形雖然烏、粗閣大箍，毋過千萬毋通看貓的無點，保證食一擺就牢喙，若無食著是會怨嘆一世人。

烏豆乾哺著恰喙閣實攞，愈哺愈芳。芳味先對鼻空衝起來，了後鑽入去頭殼內，予我規身驅攏爽快起來。上予人呵啉甲會觸舌的，就是耐哺恰伊的韌飭度，會使講是好食甲連喙齒都會綴咧唱歌。

除了頭前所講著的飭、芳合我的口味，食著會繼喙以外，就是伊的生產過程攏有身份證會使看甲明明。水質好、用料實在、無摻人工色素恰防腐劑，糖、鹽嚴格控制，摻甲拄拄好袂超磅，對身體絕對無敗害。

是按怎烏豆乾會是我上恰意的喙食物仔咧？其實，其中閣有一段非常有意義，嘛真值得紀念的愛情故事。

聽阮阿母講伊猶未嫁阿爸進前，是佇大溪一間豆乾工場的門市咧顧店。彼陣阮阿爸咧做憲兵，訓練中心結訓了後落

部隊，分發去慈湖倚衛兵。有一个歇暍日，阮阿爸和伊的兵仔伴相招去躉大溪的舊街，躉啊躉煞躉入去店內共阮阿母交關。

阿母講伊恰阿爸就是按呢熟似的，尾仔就戀愛、結婚。較早工場恰阿兵哥的月給攏無濟，約會的時陣為著欲省所費，阿母就對工場買烏豆乾去和阿爸那開講那啖糝。所致阿母這馬不時攏會滾耍笑講，會當做阿爸的牽手上愛感謝的就是大溪烏豆乾這個大媒人婆仔。

逐冬初二若綴阿母自外家轉來，嘛是攏買烏豆乾予祧仔內的囡仔做等路，逐家攏食甲笑哈哈、哺甲啞啞叫。早前我一直想攏袂曉，定定會問家己，喙食物仔遮爾濟項，我哪會上恰意烏豆乾咧？敢講是佇阮阿母腹肚內食慣勢的關係？